

Шетелдік ғалымдармен байланыс – ғылым, білім, тәжірибе алмасу

Ы. Алтынсарин атындағы Арқалық мемлекеттік педагогикалық институтының «Информатика» кафедрасы үшін 2018 жыл ғылым, білім, тәжірибе алмасу бағыттары бойынша өте жақсы нәтижелер берді. Институт ректоры С.Б. Қуанышбаевтың қолдауымен, кафедра меңгерушісі Ә. Ескермесұлының ұсынысы бойынша шетелдік ғалымдар келді.

Алғашқы қонағымыз педагогика ғылымдарының докторы, профессор Г.Е. Сенькина Ресейдің «Федералдық мемлекеттік бюджеттік жоғары білім беру мекемесі», Смоленск мемлекеттік университетінен шақыртылды.

Гүлжан Ержанқызы студенттер мен оқытушыларға дәріс сабақтары мен біліктілікті арттыру курсын өткізді. Курс соңында сертификат берілді. Осы кісінің келу-қарсаңында информатика кафедрасының ұйымдастыруымен «Рухани жаңғыру» аясында «Білім берудегі сандық технологиялар: мәселелері мен келешегі» тақырыбындағы халықаралық ғылыми-практикалық конференциясы өткізілді.

Сонымен қатар Г.Е. Сенькина осы конференцияға қатысып, өзінің «Летняя школа для учителей математики как средство повышения квалификации учителей в условиях цифрового образования» тақырыбындағы баяндамасымен өз пікірін айтып, тәжірибесімен бөлісті.

Келесі «Международное сотрудничество вузов России и Казахстана в условиях цифровизации образования: на примере Смоленского государственного университета и Аркалыкского государственного педагогического института им. И. Алтынсарина» тақырыбындағы баяндама Г.Е. Сенькинаның Ә. Ескермесұлымен бірігіп орындалған ғылыми жұмыстардың нәтижесі. Бұл мақалада Ресей Федерациясы Смоленск мемлекеттік университетінің және Қазақстан Республикасы Ы. Алтынсарин атындағы Арқалық мемлекеттік педагогикалық институтының білім беруді цифрландыру жағдайында халықаралық ынтымақтастық ерекшеліктерінің қысқаша сипаттамасы берілген.

Уфа қаласынан келген ф.-м.ғ.к., доцент Валеев Нурмухамет Фуатович «Математикалық және компьютерлік модельдеу» тақырыбы бойынша информатика кафедрасының студенттері мен оқытушыларына 72 сағат көлемінде біліктілікті арттыру курсын өткізді. Курстан өткен студенттер мен оқытушыларға сертификат берілді.

«ЖАҢА ЗАМАНҒА – ОЗЫҚ ТЕХНОЛОГИЯ» атты информатика кафедрасының апталығына информатика мамандығы студенттерінің 100 пайызы қатысты. Кафедраның аға оқытушысы, магистр Сундетбаева А.Ж. және оқытушысы, магистр Илубаев М.А. жетекшілігімен студенттер арасында ұйымдастырылған апталық жоспары бойынша «Информатика» пәнінен олимпиада өтті. Кафедра меңгерушісі, PhD А. Ескермесұлының жетекшілігімен ұйымдастырылған апталық жоспарында «Сандық технология – әлемдік дамудың айнасы» тақырыбында ғылыми жобалар сайысы өтті. 4 курс студенттері «ЖАҢА ЗАМАНҒА – ОЗЫҚ ТЕХНОЛОГИЯ» атты апталықтың қарсаңында «ИНФО - FRIENDS» интеллектуалдық ойынын өткізді. Ол сайысқа 1-3 курс студенттері қатынасты. Әр топтан 3 студенттен шығу арқылы «жасырын таңдау» бойынша 3 команда құрылды. Әрбір команда өздерінің командасының атауын, ұранымен таныстырды. «ИНФО - FRIENDS» интеллектуалдық ойынының міндеті: 5B011100 – «Информатика» және 5B012700 – «Математика - информатика» мамандығының студенттерін қазіргі заманғы сандық технология мүмкіндіктерін білім саласында және қоғамдық өмірде қолдана білу, ұштастыру, білімін жетілдіру. Қорыта келе, барлық жоғарыда көрсетілген жобалар жұмысы жоғары деңгейде жасалынған, бірақ көп дайындықты талап етеді. Қолданыста жүрген қолданбалы бағдарламалардың мүмкіндіктерін ғана атап көрсетпей, сол бағдарламаға өзіміз ұсыныс ретінде өзгертулер енгізсек сонда біздің жоба жұмысымыз әлде қайда жоғары көрсеткіштерге ие болады деген сенімдеміз.

Осы аталып отырған іс шараларға келген қонағымыз Нурмухамет Фуатович қатысып, өз пікірін айтып оң бағасын беріп кетті.

**Б. НАЗАРОВА,
А. СҮНДЕТБАЕВА,
информатика кафедрасы.**